

ALKATEARI

Talde Popularraren bozeramaile Borja Corominas Fisasek, Udalbatzaren Organo Araudiaren 98. artikulua ematen duen babesa aintzakotzat hartu eta KONTROL MOZIO hau aurkeztu du, Gune Publikoen Batzordean (Obrak eta Hiri Zerbitzuak) atxilotuen identitateaz egindako interpelazioaren ondorioz.

JUSTIFIKAZIOA

Herritarren segurtasuna da herritarren kezka nagusietako bat, bai eta tokiko administrazio publikoen funtsezko jarduera-eremuetako bat ere. Alde horretatik, Donostiako Udaltzaingoak funtsezko zeregina du delituari aurrea hartzen eta ordena publikoari eta hiriko bizikidetzari eusten.

Herritarren segurtasunaren arloko politika publiko eraginkorrek diseinatzeko, ezinbestekoa da Udaltzaingoak egindako polizia-jarduerari buruzko informazio objektibo, zorrotz eta eguneratua izatea; Udaltzaingoaren eginkizunak betetzekoan egindako atxiloketei buruzkoa, bereziki.

Azken urteotan, polizia-kidego batzuk –Ertzaintza eta Mossos d'Esquadra, adibidez– beren polizia-jardunaren ondorioz atxilotutako pertsonen buruzko datu estatistiko agregatuak argitaratzen hasi dira aldizka: atxiloketa kopuru osoa, delituen tipologia eta atxilotutako pertsonen jatorria, konparazio baterako. Jardunbide hori bat dator gardentasun instituzional eta kontu emate printzipioekin, datu pertsonalen babesaren arloan indarrean den araudia urratu gabe.

Era horretako informazioak –anonimizatuta, betiere, eta helburu estatistikoetarako bestetarako ez– aukera ematen du:



- Udaltzaingoaren jarduera-eremuko delitu-errealitatea zehaztasun handiagoz ezagutzeko.
- Polizia-kidego horrek detektatutako delituen bilakaera eta tipologia aztertzeko.
- Udalaren segurtasun-dispositiboen eta -politiken eraginkortasuna ebaluatzeko.
- Hiriaren gizarte-errealitatera hobeto egokitzen diren prebentzio-neurriak eta jarduketak diseinatzeko.
- Delituak desagerrarazten eta herritarren segurtasun falta pertzepzioa murrizten laguntzeko.

Era berean, datu horiek argitaratzeak mesede egiten dio eztabaida publiko informatuagoa eta gertaera objektiboetan oinarritutakoa izateari, eta saihestu egiten ditu gizarte-alarma edo estigmatizazioa eragin dezaketen interpretazio okerrak, zurrumurruek edo kontrastatu gabeko informazioak.

Hori dela eta, hauxe da gure

KONTROL MOZIOA

1. Donostiako Udalaren Osoko Bilkurak Gobernu Taldeari eskatzen dio argitaratzeko, egokitzat jotzen duen aldizkakotasunarekin, Donostiako Udaltzaingoak bere eskumenen barruan egindako atxilotetei buruzko informazio estatistiko agregatua.
2. Donostiako Udalaren Osoko Bilkurak Gobernu Taldeari eskatzen dio alderdi hauek sartzeko argitaratutako informazio horretan: Udaltzaingoak guztira atxilotutako pertsona kopurua, atxiloteta horiek eragin dituzten delituen tipologia eta atxilotutako pertsonen jatorria, modu agregatuan aurkeztuta (jatorrizko herrialdearen edo eremu geografikoaren arabera); anonimotasuna bermatuta, beti, eta datu pertsonalak babesteko araudia zorrotz beteta.



3. Donostiako Udalaren Osoko Bilkurak Gobernu Taldeari eskatzen dio bermatzeko datu horiek argitaratzeak izango duen helburua izatea:

- Udalaren gardentasuna eta kontu-ematea indartzea;
- Udaltzaingoak herritarren segurtasunean egiten duen jardueraren azterketa eta ebaluazioa erraztea, eta
- hirian delituak egitea prebenitu eta desagerrarazteko eta bizikidetzaren hobetzeko politika eraginkorrak diseinatzen laguntzea.

4. Donostiako Udalaren Osoko Bilkurak Gobernu Taldeari eskatzen dio Osoko Bilkura hau osatzen duten gainerako alderdi politikoei jakinarazteko zer argitalpen-eredu eta zer euskarri aukeratu duen hizpide dugun informazio hori emateko, eta noiz zabalduko duen informazio hori aurreneko aldiz.

Donostian, 2026ko otsailaren 20an.

Borja Corominas Fisas

Alderdi Popularraren udal taldearen bozeramailea